

Kev Npaj thiab Kev Tiv Thaiv Tus Kab Mob Novel Coronavirus (COVID-19) raws li yog ib Tug Niam Txiv thiab Tsev Neeg ntawm ib Tug Menyuum Yaus Tsis Taus

Raug tsim kho los ntawm:



Lub ntiaj teb tab tom nqis tes tiv thaiv qhov teeb meem xwm txheej ceev rau kev noj qab haus huv ntawm pej xeeb sawd daws rau tus kab mob 2019 Novel Coronavirus (COVID-19). Yuav tiv thaiv qhov teeb meem xwm txheej ceev no, [Tus Tswv Xeev yawg Kate Brown, tau hais kom kaw cov tsev kawm ntawv nyob hauv Oregon txij hnuv Monday, Lub Peb Hlis Tim 16 mus txog rau Hnuv Tuesday, Lub Plaub Hlis Tim 28..](#) Thaum lub sijhawm kaw tsev kawm ntawv no yuav tshwm sim ntau yam kev nyuaj siab, nws yog ib txoj hau kev zoo tshaj plaws rau kev thaiv tus kab mob kom tau, ua kom sib kis tau qeeb, thiab tiv thaiv txoj sia ntawm cov neeg nyob hauv Oregon. Kev nyab xeeb, kev noj qab haus huv thiab kev noj qab nyob zoo ntawm cov menyuum kawm ntawv thiab lawv tsev neeg, thiab peb cov neeg hauv zej zos yog feem tseem ceeb tshaj plaws ntawm peb.

Ntsig Txog Tus Kab Mob Coronavirus (COVID-19)

Raws li kev tshaj tawm los ntawm lub chaw [Centers for Disease Control](#) (CDC), tus kab mob Novel Coronavirus (COVID-19) yog ib tug kab mob ntsws uas tshwm sim los ntawm ib tug kab mob vais lav tshiab, uas muaj cov yeeb yam mob xws li ua npaws, hnoos, ua pa txog siav tom qab tau raug tus kab mob ob hnuv txog 14 hnuv. Saib [ntawm lub chaw CDC nplooj ntawv qhia txog qhov tseeb ntawm tus kab mob COVID-19](#) thiab [ntawm lub chaw CDC nplooj ntawv muaj ntau cov ntaub ntawv hais txog kev tiv thaiv tus kab mob COVID-19](#).

Yam Cov Niam Txiv Yuav Tsum Tau Paub:

- Kev tiv thaiv tus kab mob vais lav no yog ib qho pauv hloov sai heev thiab ua rau tsis paub tias yuav npaj li cas, yog li ntawd xav kom peb txhua tus sib koom tes tiv thaiv raws li qhov sawd daws ua tau kom peb lub zej zos thiaj li muaj kev nyab xeeb. Muaj qee cov kev txiav txim siab los ntawm tsoom fwv, qee cov los ntawm tsoom fwv xeev ntawm yawg Tswv Xeev los sis Oregon Lub Tsev Haujlwm Saib Xyuas Kev Kawm Ntawv, thiab qee cov los ntawm koj lub chaw saib xyuas tsev kawm ntawv hauv ib cheeb tsam.

Kev pib kaw tsev kawm ntawv raug txiav txim siab los ntawm tus Tswv Xeev, tab sis ntau yam kev txiav txim siab (xws li., kev pib, kev kawm kom tau credit, kev kaw mus ntxiv rau tom ntej, thiab lwm yam) yuav los ntawm koj lub chaw saib xyuas tsev kawm

ntawv hauv ib cheeb tsam. Yog li ntawd, koj yuav tsum soj qab xyuas nrog koj lub chaw saib xyuas tsev kawm ntawv thiaj li paub cov xov xwm tshiab tas li. Muaj cov ntaub ntawv siv sib txuas lus nrog lub chaw saib xyuas tsev kawm ntawv rau ntawm [no](#).

Thaum lub sijhawm kaw tsev kawm ntawv no, cov tsev kawm ntawv tsoom fwm tseem yuav muab kev qhia ntawv pab txhawb ntiv thiaj cov kev pab txhawb rau kev kawm, muab cov plua mov noj xa tuaj rau tom lub chaw uas tsis muaj neeg coob mus sib ntsib, thiaj tsim kho cov kev npaj nqis tes tseem ceeb, muab kev pab cuam uas tsis yog qhia ntawv, suav txog saib xyuas txog cov khoom noj rau cov menyuam kawm ntawv.

- Oregon Lub Tsev Haujlwm Saib Xyuas Tsev Kawm Ntawv yuav muab cov lus qhia thiaj kev pab txhawb rau cov chaw saib xyuas tsev kawm ntawv, thiaj peb sawd daws yuav tau soj qab xyuas qhov teeb meem no ua ke, thiaj tau muab [cov lus FAQ nug no](#) rau cov chaw saib xyuas tsev kawm ntawv. Feem ntau, koj tus menyuam tseem muaj cai mus kawm ntawv rau qhov Free Appropriate Public Education (FAPE), rau thaum lub sijhawm kaw tsev kawm ntawv rau txhua tus menyuam kawm ntawv, tab sis tsis muab kev qhia ntawv tshwj xeeb. Cov [Nge lus nug FAQ ntawm cov niam txiv](#) muaj ntau cov ncauj lus.
- Txawm tias qhov teeb meem no yuav ua rau xav tsis tawm txog qhov sib cais nyias nyob nyias los xij, yeej tsis yog muaj koj ib leeg xwb. Ntau cov koom haum, suav txog [FACT Oregon](#), tab tom muab cov ntaub ntawv xov xwm tshaj tawm raws hauv website, webinars, thiaj social media. Cov [ntaub ntawv no](#) muaj ntau yam ncauj lus.